

## Қадыр Мырза-Әлі

### «Бабамыздың шоқ басқан табанымен»

Бабамыздың шоқ басқан табанымен  
Бірдей екен жақсысы жаманымен.  
Бір жаманы - тынымсыз көше берген,  
Бір жақсысы - қимаған Даланы кең.

Бір жаманы - жел сөзге ерген екен,  
Бір жақсысы - тілге ерік берген екен.  
Бір жаманы - кетпенге орашалақ,  
Бір жақсысы - найзагер, мерген екен!

Бір жаманы - кешігіп әліппе ашқан,  
Бір жақсысы - күйлері көбік шашқан.  
Бір жаманы - қаздарын малға сатып,  
Бір жақсысы - сүйгенін алып қашқан!

Бір жаманы - шаруасын мандатпаған,  
Бір жақсысы - қулықпен жанды ұтпаған.  
Бір жаманы - үйленіп жеңгесіне,  
Бір жақсысы - жесірін қаңғытпаған!

Тату-тәтті көршілер шыр бұзбаған,  
Бірде тоңып суықта, бір мұздаған!  
Бір жаманы - сонда да үй салмаған,  
Бір жақсысы - абақты тұрғызбаған...